

广东省立中山图书馆百年馆庆书系

新闻旧报

清末民初画报中的广东

中

广东省立中山图书馆 编



岭南美术出版社



《时事画报》，光绪三十三年（1907），第二十二期



爛厝毀學

大埔湖山初等小學堂，係將幻住庵改設。近因天旱，該處頑紳謂為庵神失所所致，率爛厝百餘人，將校具焚毀一空。寄宿舍亦被拆去。復鳴鑼感眾，扛竹籬三四隻，沿街收派錢銀，以為抵制學堂之款。



幻住庵改設學堂，以致天旱，頑紳之說未始無詞。以自解，蓋庵神失所，勢必歸天。天上神位，祇有此數。或者雨師被逐，遂失其職，以致天旱不雨。未可知也。呵！

【爛厝毀學】

大埔湖山初等小學堂，系將幻住庵改設。近因天旱，該處頑紳謂為庵神失所所致，督率爛厝百餘人，將校具焚毀一空，寄宿舍亦被拆去，復鳴鑼感眾，扛竹籬三四只，沿街收派錢銀，以為抵制學堂之款。

幻住庵改設學堂，以致天旱，頑紳之說，未始無詞以自解，蓋庵神失所，勢必歸天，天上神位只有此數。或者雨師被逐，遂失其職，以致天旱不雨，未可知也。呵呵！

利失蚌蟪

番禺山貝村有洪聖廟。鄉人集款重修。有何某等惑於風水。出而撓阻。鄉人赴縣指控。奉批署謂今日當求實學。何得迷信神權。虛糜款項。應將此廟改建學堂。以期造就人材。何某等糾眾潑蘭。尤屬野蠻。應令罰繳捐款。以資補助。而示儆戒云。

鄉人惑於神權而重修。何某惑於風水而撓阻。皆有迷信性質。至因此而羅訟。使神失其所。則鄉人與何等。悉洪聖之罪人也。然因此而改建學堂。以造就人材。則鄉人與何等。又皆學界之功臣也。



《时事画报》，光绪三十三年（1907），第二十三期

【蟪蚌失利】

番禺山貝村有洪聖廟，鄉人集款重修，有何某等惑于風水，出而撓阻。鄉人赴縣指控，奉批略謂：今日當求實學，何得迷信神權，虛糜款項，應將此廟改建學堂，以期造就人材，何某等糾眾滋鬧尤屬野蠻，應令罰繳捐款以資補助而示儆戒云。

鄉人惑于神權而重修，何某惑于風水而撓阻，皆有迷信性質，至因此而羅訟，使神失其所，則鄉人与何等悉洪聖之罪人也，然因此而改建學堂以造就人材，則鄉人与何等又皆學界之功臣也。

降童

信宜有山名太尉顶。神棍之流利用之。谓其上有神下降。因奉之为太尉官。新图乡人迷信事之。每建醮出游。必辦降童二三十人。追随其后。代神立言。降童者谓神依附其身也。所言必痛詆学堂。今年有信宜官立高等小学之学生某。承父命充太尉官之降童。沿乡随行。六极力毀譏学堂。闻者谓学生尔有是言。於是仇学益甚。

学以愈愚。然愚蒙未鑒。学说不能戡入。此信宜新图地方。今犹属神話时代也。若该降童者。謂之鬼同佢講。可謂之佢共鬼。亦可。



《时事画报》，光绪三十三年（1907），第二十八期

【降童】

信宜有山名太尉顶。神棍之流利用之，谓其上有神下降，因奉之为太尉官。新图乡人迷信事之，每建醮出游，必办降童二三十人追随其后，代神立言。降童者谓神依附其身也，所言必痛詆学堂。今年有信宜官立高等小学之学生某，承父命充太尉官之降童，沿乡随行，亦极力毀譏学堂。闻者谓学生亦有是言，于是仇学益甚。

学以愈愚。然愚蒙未鑒，学说亦不能戡入。此信宜新图地方，今犹属神話时代也。若该降童者，謂之鬼同佢講，可，謂之佢共鬼讲，亦可。

大埔毀學 又見

蒲田汎李達。因去歲承辦緝捕經費。正當高陂仰文學堂開辦之始。紳商稟提餘款。因而積怨。四散謠言。謂本年早荒。皆因興辦學堂。上干神譴。鼓動李雲浪等數十人。衝進仰文學堂。將一切校具。毀滅淨盡。教員學生。逃至天生土棧。復追入棧內毆打。現已稟官責辦矣。

吾讀水滸傳。至李達。甚愛其人之天真爛漫。今蒲田汎亦姓李名達。而乃因私財而壞公益。古今人之相去。果何若耶。



《时事画报》，光绪三十三年（1907），第二十八期

「大埔毀學又見」


蒲田汎李達，因去歲承辦緝捕經費，正當高陂仰文學堂開辦之始，紳商稟提餘款，因而積怨，四散謠言，謂本年早荒，皆因興辦學堂上干神譴，鼓動李雲浪等數十人衝進仰文學堂，將一切校具毀滅淨盡。教員、學生逃至天生土棧，復追入棧內毆打。現已稟官責辦矣。

吾讀《水滸傳》，至李達，甚愛其人之天真爛漫。今蒲田汎亦姓李名達，而乃因私財而壞公益，古今人之相去果何若耶！

疑良為盜

某甲充當番禺兩等學堂伙夫。某教習飭往賄餅。通時堂門已閉。欲在門脚之板鑽入。巡士疑為行竊。執之。甲向巡佐訴明。即將甲帶回學堂叩門。某教習大罵。甲延誤。不准開門放入。甲遂在門外坐以待旦。

此事也。坊人咸謂教習野蠻。巡士固莽。夫狹其教習之威。苛待伙夫。教習則誠野蠻極矣。至甲欲在門脚之板鑽入。則確有形迹之可疑。巡士疑以為盜而執之。是為盡職。不得謂為鹵莽也。



《時事畫報》，光緒三十三年（1907），第二十八期

【疑良為盜】


某甲充當番禺兩等學堂伙夫，某教習飭往賄餅。歸時堂門已閉，欲在門脚之板鑽入。巡士疑為行竊，執之。甲向巡佐訴明，即將甲帶回學堂叩門。某教習大罵甲延誤，不准開門放入。甲遂在門外坐以待旦。

此事也，坊人咸謂教習野蠻，巡士固莽。夫狹其教習之威，苛待伙夫，教習則誠野蠻極矣。至甲欲在門脚之板鑽入，則確有形迹之可疑，巡士疑以為盜而執之，是為盡職，不得謂為鹵莽也。

平遠學務

平遠縣今年始設中學。開學時譚令登堂演說。略謂讀書不外為造官起見。不必株分科目。爵探乃兵丁學的。英文算學則為洋奴賬房學的。畜画生理則為醫生画匠學的。儀器之药水。為藥房用的人。解剖。為驗工學的。皆非士子所宜學。士子惟學造官可矣。舉堂嘩然。相視而笑。

果如譚令所言。舉凡兵丁。賬房。醫生。驗工等等。俱曾受學堂教育。然後出而各事。則中國學務大有進步矣。惜乎其不能也。彼謂士子當學造官。不知造官之所當學者何在。大約舍求情弄賄外。無他科矣。然操一門。安不可廢。叩頭打躬。當操之極熟也。



《時事画报》，光绪三十三年（1907），第三十一期

【平遠學務】

平遠縣今年始設中學，開學時譚令登堂演說，略謂讀書不外為造官起見，不必株分科目，体操乃兵丁學的，英文、算學則為洋奴賬房學的，图画、生理則為醫生、画匠學的，儀器之药水為藥房用的，人體解剖為驗工學的，皆非士子所宜學，士子惟學造官可矣。舉堂嘩然，相視而笑。

果如譚令所言，舉凡兵丁、賬房、醫生、驗工等等，俱曾受學堂教育，然後出而各事所事，則中國學務大有進步矣！惜乎其不能也。彼謂士子當學造官，不知造官之所當學者何在？大約舍求情弄賄外，無他科矣，然体操一門，要不可廢，叩頭打躬，亦當操之極熟也。

廣東新會縣大沙鄉六康初等小學堂。開辦年餘。有周祖治者。因爭充校長。不遂。挾嫌報復。遽於某日。糾黨數十人。直入該堂。放槍亂轟。時值溫課。寄宿生周欽先被槍擊斃。該學堂即發傳單。請學界中人。在該縣明倫堂集議對待之法。



【斃學生之慘劇】


廣東新會縣大沙鄉六康初等小學堂，開辦年餘。有周祖治者，因爭充校長不遂，挾嫌報復。遽于某日，糾黨數十人，直入該堂，放槍亂轟。時值溫課，寄宿生周欽先被槍擊斃。該學堂即發傳單，請學界中人在該縣明倫堂集議對待之法。

《時事報·圖畫新聞》，光緒三十三年（1907）十一月

學警風潮

學界風潮。紀不勝紀。巡警風潮。亦紀不勝紀。兩者均屬幼稚。庸是責者。所宜加之意也。茲更有學生巡警衝突之事出。新會城舊南門直街。有學生數人。在街乘坐自由車。巡警出而干涉。學生不服。巡警遂拘之回局。局員謂其恃學違抗。即將學生扣留。學紳商界大憤。組為一隊。集議對待。函電交馳。蔡令恐鬧成猛潮。出作和事老。對於被拘之學生。備極優待。迨省派出委員談海到城。極力調停。擬將眾人共憤之巡尉李榮熙撤去。并革去巡丁一名。並着蔡令派勇送學生回堂。以期息事。而警局亦因此事示禁在街上人稠處。不得乘坐單車焉。

各報之紀此事。大略如此。則巡警之辱學生。可無疑義。然亦有袒巡警者。某兩報之紀事。之若也。果何心哉。蓋觀於蔡令之待學生及批詞。可釋然矣。



《時事畫報》，光緒三十四年（1908），第二期

【學警風潮】

學界風潮，紀不勝紀；巡警風潮，亦紀不勝紀。兩者均屬幼稚，庸是責者，所宜加之意也。茲更有學生巡警衝突之事出。新會城舊南門直街，有學生數人，在街乘坐自由車，巡警出而干涉，學生不服，巡警徑拘之回局，局員謂其恃學違抗，即將學生扣留。學紳商界大憤，組為一體，集議對待，函電交馳。蔡令恐鬧成猛潮，出作和事老，對於被拘之學生，備極優待。迨省派出委員談海到城，極力調停，擬將眾人共憤之巡尉李榮熙撤去，并革去巡丁一名，並着蔡令派勇送學生回堂，以期息事。而警局亦因此事示禁在街上人稠處，不得乘坐單車焉。

各報之紀此事，大略如此，則巡警之辱學生，可無疑義。然亦有袒巡警者（某某兩報之紀事之告白），果何心哉？蓋觀于蔡令之待學生及批詞，可釋然矣。

塾師得意

金埭馬嘶芳草
地玉樓人醉杏花
天方今科舉既
廢不尚復有此樂
高要二班蓮塘鄉
塾師廖先生赴縣
應考初四揭榜取
錄一等廖得意洋
洋飭人走報家內報
紅高貼擇定初五
日旋鄉知會族中
耆老預備鼓樂儀
仗肅整衣冠出鄉
外埕頭迎接沿途
燃放炮竹異常熱
鬧見者絕倒



《时事画报》，光绪三十四年（1908），第六期

【塾師得意】


金埭馬嘶芳草地，玉樓人醉杏花天。方今科舉既廢，不圖復有此樂。高要二班蓮塘鄉，塾師廖先生，赴縣應考，初四揭榜，取錄一等。廖得意洋洋，飭人走報家內，報紅高貼，擇定初五日旋鄉，知會族中耆老，預備鼓樂儀仗，肅整衣冠，出乡外埕頭迎接，沿途燃放炮竹，異常熱鬧，見者絕倒。

物罕乃為奇，當科舉既廢，而有此樂，廖先生不可謂非奇遇也，笑何為者？

講學會

日前南武學堂講學會開幕。學界報界。雅會者頗眾。先由會負宣佈開會宗旨。旋請方言學堂監督陳介石先生。登壇演說。陳浙人。語帶鄉音。聞者多不解。由方言學堂教員馬夷初覆述。議下期再請陳先生主講。先派講義一篇。至四點鐘茶會而散。

嶺學之風果微矣乎。言學界於今日。陳腐者且腐者。且勿論。而叫囂之習。誠非學者所宜有也。嗚呼！端士習。正人心。非諸君子之責。而誰屬歟。



《时事画报》，光绪三十四年（1908），第九期

【讲学会】


日前，南武学堂讲学会开幕，学界报界莅会者颇众，先由会员宣布开会宗旨，旋请方言学堂监督陈介石先生，登坛演说。陈浙人，语带乡音，闻者多不解，由方言学堂教员马夷初覆述，议下期再请陈先生主讲，先派讲义一篇。至四点钟茶会而散。

岭学之风果微矣乎？

言学界于今日，陈腐者且勿论，而叫囂之习，诚非学者所宜有也。嗚呼！端士习，正人心，非诸君子之责，而谁属欤？

入學 出族

及就學之年，而不入小學者，罪其父母，強迫教育，學部行矣。何竟有子弟入學，而永遠革詐者？順德職貢何家元，有長子入學，被族紳何序鏞、竟大書革條，將伊子永遠出族革詐。何已赴提學司呈控，奉得是何寔情之批詞矣。劣紳仇學層見迭出，毀學阻學，凡所以破壞學務者，無不至。此入學革詐，則前所未見。仇學之新法也。吾為求學者計，此例若立於個人，則闔族以對待之。若出於闔族，盡任之出族，知吾果有心向學，又何樂而棲息於此野蠻腐敗之族之下乎？




《时事画报》，光绪三十四年（1908），第九期

【入学出族】

及就學之年，而不入小學者，罪其父母，強迫教育，學部經實行矣。何竟有子弟入學，而永遠革詐者？順德職員何家元，有長子入學，被族紳何序鏞，竟大書革條，將伊子永遠出族革詐。何已赴提學司呈控，奉得是何寔情之批詞矣。

劣紳仇學，層見迭出，

毀學阻學，凡所以破壞學務者，無不至。此入學革詐，則前所未見，仇學之新法也。吾為求學者計，此例若立於個人，則闔族以對待之，若出于闔族，盡任之出族矣。吾果有心向學，又何樂而棲息於此野蠻腐敗之族之下乎？



世界有点脉之事耶。抑言者之神其說耶。毋亦勸世文之屬耳。點脈之說。於生理學上無一毫之考究也。以手銜致人死命。吾聞之矣。蓋於人身之要部位。而拚力一拳二拳。則果足以死之也。然受此拳者。未有當時一無所覺。而其後始痛者。也有之。則唯先服迷蒙藥乎。迷蒙藥者。唯醫生之割症用之。未有毆人者。能先以迷蒙藥醉人者也。則世俗點脈之說。果不足駁也。此滿人之吐血。其別有原因與否。不可得知。言者欲示此滿人之強橫。而深警世以惡人自有惡人磨之意云。點脈謬說。非開明人所宜信也。



氣燄可畏

滿人某。某學堂之幹操教習也。往東關戲院觀劇。與學生裝者二人。相爭坐位。某揮拳痛毆。二人以其口操旗音。且服戎服。不敢與較。某復再打。旁觀者皆為不平。中一老者。婉言相勸。按回原位。乃已。某回寓。忽然吐血。背起一黑點。乃知已被暗中點脈。即告知學生。求人荐醫。由學生薦一東莞教師。為之醫治。教師云。幸此老留情。不欲害爾命。略點側些。尚可為力。否則不堪設想矣。

《時事画报》，光绪三十四年（1908），第十五期

「气焰可畏」


滿人某，某學堂之體操教習也，往東關戲院觀劇，與學生裝者二人，相爭坐位，某揮拳痛毆。二人以其口操旗音，且服戎服，不敢與較。某復再打，旁觀者皆為不平，中一老者婉言相勸，按回原位乃已。某回寓忽然吐血，背起一黑點，乃知已被暗中點脈，即告知學生，求人荐醫。由學生荐一東莞教師，為之醫治，教師云：「幸此老留情，不欲害爾命，略點側些，尚可為力，否則不堪設想矣。」

世界有点脉之事耶？抑言者之神其說耶？毋亦勸世文之屬耳？點脈之說，于生理學上无一毫之考究也。以手術致人死命，吾聞之矣。蓋于人身之要部位，而拚力一拳二拳，則果足以死之也。然受此拳者，未有當時一无所覺，而其後始痛者也。有之，則唯先服迷蒙藥乎？迷蒙藥者，唯醫生之割症用之，未有毆人者能先以迷蒙藥醉人者也。則世俗點脈之說，果不足駁也。此滿人之吐血，其別有原因與否，不可得知。言者欲示此滿人之強橫，而深警世人以「惡人自有惡人磨」之意云。點脈謬說，非開明人所宜信也。

校地 藏嬌

河南育才書社西人助教力高在社中寓娼為學生察悉。金以為有汚書社名譽。當即通知警員。并請在省總理跟同搜查。果得確據。總理遂命總教習勒令力氏驅逐。流娼隨電知香港總理劉鑄伯到省辦理此事。

見報



《時事畫報》，光緒三十四年（1908），第十五期

【校地藏嬌】

河南育才書社，西人助教力高，在社中寓娼，為學生察悉。金以為有汚書社名譽，當即通知警員，并請在省總理，跟同搜查，果得確據。總理遂命總教習勒令力氏驅逐流娼，隨電知香港總理劉鑄伯到省，辦理此事。

教習為學生表率，該西人乃在社寓娼，致被學生察悉，想該社總理，諒不因彼係西人，遂為之寬也。

哭一鼓随

此次國恤典禮。各男女學堂。均在校內舉行。聞省城某女子小學堂。當哭臨之日。各生哭泣極哀。某生年最幼。哭至兩眼暈紅。比歸家。哀意不少。減。家人詢以何故如此。生答曰。吾亦不知其故。但見多人哭。不覺悲從中來耳。善哭其夫者。且變國俗。況遇國恤。哭者如是其多乎。今之同哀。國恤。普天同悼者。想亦此女生之類耳。哀感之動人。何其深也。



《時事画报》，光绪三十四年（1908），第二十七期

【随声一哭】


此次國恤典禮，各男女學堂，均在校內舉行。聞省城某女子小學堂，當哭臨之日，各生哭泣極哀。某生年最幼，哭至兩眼暈紅，比歸家，哀意不少減。家人詢以何故如此，生答曰：『吾亦不知其故，但見多人哭，不覺悲從中來耳。』

善哭其夫者，且變國俗，況遇國恤，哭者如是其多乎？今之同哀國恤，普天同悼者，想亦此女生之類耳，哀感之動人何其深也！

學生無故被刺

廣州

法政學堂學生葉占魁。由省旋里。路過畚坑墟。投店歇宿。突來一不識姓名之人。手持小刀。將葉生股際刺入寸許。並砍其手臂數下。而逃。葉生登時血流暈地。經逆旅主人等救起。幸性命無虞。次日由同伴生赴州。稟請鄒牧伯查緝。一面通知葉生家。當着人昇歸醫治矣。按素昧平生。突然行刺。其為仇學者所唆使耶。抑其與葉別有深隙。而圖乘間報復耶。均不得而知也。但學生上受壓制。下遇凶暴。為危境也。豈不殆哉。



《時事報·图画新聞》，光緒三十四年（1908）三月

【學生無故被刺】

廣州法政學堂學生葉占魁，由省旋里，路過畚坑墟，投店歇宿。突來一不識姓名之人，手持小刀，將葉生股際刺入寸許，並砍其手臂數下而逃。葉生登時血流暈地。經逆旅主人等救起，幸性命無虞。次日由同伴生赴州，稟請鄒牧伯查緝。一面通知葉生家，當着人昇歸醫治矣。

按：素昧平生，突然行刺。其為仇學者所唆使耶？抑其與葉別有深隙，而圖乘間報復耶？均不得而知也。但學生上受壓制，下遇凶暴，所處皆為危境也，豈不殆哉？

學堂 奇觀

粵之大田縣風氣未開官立高等小學堂不過三十餘人同為一班有年方十二三者亦有須眉如戟年已過四五十者老耄一堂觀之令人噴飯然其好學之誠則亦未可以厚非也明詔興學瞬將十載而邊僻小邑尚有此等現象可見教育普及之不易矣



《时事报·图画新闻》，光绪三十四年（1908）三月

【學堂奇觀】

粵之大田縣，風氣未開。官立高等小學堂，不過三十餘人，同為一班。有年方十二三者，亦有須眉如戟，年已過四五十者。老稚一堂，觀之令人噴飯。然其好學之誠，則亦未可以厚非也。

明詔興學，瞬將十載。而邊僻小邑，尚有此等現象，可見教育普及之不易矣。